

# Ժողովուրդ

52  
(2718)

11 ապրիլի երեքշաբթի 2023  
տպագրության ժԲ տարի

Թ. Երևան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

## ՆՈՐ ՆՍՏԱՇՐՋԱՆԸ ԹԵԺ Է ՄԵԿՆԱԲԿՈՒՄ



Այսօրվանից մեկնարկում են ԱԺ Նոր Նստաշրջանի աշխատանքները: ԱԺ այս նստաշրջանը խոստանում է թե՛ լինել, թե՛րես ամենաէփեկը ընդդիմադիր պատգամավոր Միեր Սահակյանին անձեռնմխելիությունից զրկելու հարցն է, որը ԱԺ վաղվա նիստում ընդգրկված երկրորդ հարցն է: Բացի սա, այս նստաշրջանում վերջապես խորհրդարանը ՀՀ մարդու իրավունքների պաշտպան է ընտրելու: ՄԻՊ-ի հարցը կքննարկվի հենց նիստի սկզբում որպես առաջին հարց: Հիշեցնենք, որ ՄԻՊ պաշտոնում Ազգային ժողովի մարդու իրավունքների պաշտպանության եւ հանրային հարցերի մշտական հանձնաժողովը առաջարկել է Անահիտ Արտյոմի Մանասյանի թեկնածությունը: Ըստ «ԱԺ կանոնակարգ» օրենքի՝ Մարդու իրավունքների պաշտպան ընտրվում է գաղտնի քվեարկությամբ, պատգամավորների ընդհանուր թվի ձայների առնվազն երեք հինգերորդով: Հավելենք, որ խորհրդարանականները այս նստաշրջանի ընթացքում պետք է նաեւ դատավորներ, Հանրային ծառայությունները կարգավորող հանձնաժողովի եւ Կոռուպցիայի կանխարգելման հանձնաժողովի անդամներ ընտրեն:

Վաղը ՀՀ ԱԺ-ն կքննարկի «Հայաստան» խմբակցության պատգամավոր Միեր Սահակյանի նկատմամբ հանրային հետապնդում հարուցելու դատախազության միջնորդությունը: ՀՀ գլխավոր դատախազ Աննա Վարդապետյանը կներկայացնի: Համաձայն «ԱԺ կանոնակարգ» օրենքի՝ պատգամավորի նկատմամբ քրեական հետապնդում հարուցելուն կամ նրան ազատությունից զրկելուն համաձայնություն տալու մասին Ազգային ժողովի որոշումն ընդունվում է գաղտնի քվեարկությամբ՝ ձայների մեծամասնությամբ, այսինքն՝ 71 պատգամավոր ունեցող ՔՊ-ն միայնակ կարող է հավանություն տալ միջնորդությանը: «Ժողովուրդ» օրաթերթի տեղեկություններով՝ ՔՊ-ն Միեր Սահակյանի մասով միասնական որոշում ունի, ինչպես Սեյրան Օհանյանի ու Արմեն Զարգյանի դեպքում էր. կգան եւ համաձայնություն կտան ընդդիմադիր պատգամավորի նկատմամբ քրեական հետապնդում հարուցելու միջնորդությանը: Ընդ որում՝ եթե Օհանյանի ու Զարգյանի դեպքում իշխող ֆրակցիայի ներսում տարաձայնություններ եղել են, ապա Միեր Սահակյանի դեպքում իշխանականներն ավելի «մարտական» են տրամադրված: Ի դեպ, ընդդիմությունը եւս մասնակցելու է նիստին եւ օգտագործելու է ՔՊ-ականների մասնակցությամբ աղմկահարույց միջադեպերի ողջ «զինանոցը»: ՔՊ-ն խոցելի վիճակում է գտնվում հիմա՝ կուսակցականների վերջին պահվածքի ֆոնին:



ՀՀ վարչական դատարանի դատավորները մեկը մյուսի հետեւից վերադարձրել են «Քաղաքացիական պայմանագիր» կուսակցության հայցերը: Ինչպես հայտնի է, Սիսիանում համայնքապետի ընտրություններից հետո «Քաղաքացիական պայմանագիր» կուսակցությունը դատի էր տվել «Հայաստան» խմբակցության պատգամավոր Արթուր Սարգսյանին, ինչպես նաեւ «Քաղաքացու որոշում» կուսակցության քաղաքապետի թեկնածու Ավագ Ասատրյանին, ՔՊ անդամ Վարդան Բայանին, եւ դատարանից պահանջում էին, որ ստիպի ԱԺ պատգամավորին եւ մյուս անձանց Վարչական իրավախախտումների մասին ՀՀ օրենսգրքի 40.1 հոդվածով նախատեսված կարգով վարչական պատասխանատվության ենթարկել: Իսկ ի՞նչ են արել վերոնշյալ անձինք, որ նրանց ՔՊ-ն հասցրել է դատարանի դռները: «Ժողովուրդ» օրաթերթին հայտնի դարձավ, որ ՔՊ-ն նրանց մեղադրում է լուրջ օրը հակաքարոզչություն անելու համար: Արդյունքում դատարանը բոլոր հայցերը հետ է վերադարձրել, որտեղ թերություններ են եղել:



Քաղաքական իշխանություններն օրերս պաշտոնից ազատված ԴԱՀԿ ծառայության նախկին պետ Սերգեյ Մեդրյանին առանց աշխատանքի չեն թողնի: «Ժողովուրդ» օրաթերթի տեղեկություններով՝ ՊԵԿ նախագահ Ռուստամ Բադալյանի ընկերոջը խոստացել են իր հարազատ համակարգ վերադարձնել եւ Վճաբել դատարանում դատավոր նշանակել: Ասել է թե՛ Սերգեյ Մեդրյանը կվերադառնա իրեն հոգեհարազատ ոլորտ:



ՔԱՂԱՔԱԿԱՆ

ԲԱՐՁՐԱԶԱՅՆՈՒՄ ԵՆՔ

ԱԳՐԲԵՋԱՆԻ ՀԵՐԹԱԿԱՆ ՄԱԳՐԱՆՔՆ ԷՐ

Աղբեջանցիներն ապրիլի 4-ին հերթական անհարեկչական ֆայն էին իրականացրել արցախցիների նկատմամբ՝ արգելափակելով ՌԳ խաղաղադաշտների մեքենան, որով 27 արցախցիներ Գորիսից վերադառնում էին Սեֆիանակեր: Արցախցի չորս կանանց ինքնազգացողությունը միջադեպի հետևանքով վատացել էր, նրանցից 3-ը ուսագնաց էին եղել: Չնայած սեղի ունեցածին՝ Հայաստանի իշխանությունների կողմից որեւէ հայտարարություն չկա: Նախորդ անգամներում այսպիսի դեպքերում զոնե հայտարարություն էր տարածում ՀՀ արտաքին գործերի նախարարությունը, սակայն այս անգամ նրանք էլ են լուռ: Մինչ այս դառն որեւէ երկիր կամ միջազգային կառույց չի արձագանքել աղբեջանի հերթական հայասյաց ֆային:



«Ժողովուրդ» օրաթերթն այս մասին գրուցել է ԱԺ արտաքին հարաբերությունների մշտական հանձնաժողովի նախագահ, ԶՊ խմբակցության պատգամավոր Սարգիս Խանդանյանի հետ:

«Պարոն Խանդանյան, ինչպե՞ս կորակեք Աղբեջանի այս քայլը, եւ ի՞նչ աշխատանք է տանում Հայաստանը՝ այս հարցը միջազգային հարթակներում բարձրաձայնելու ուղղությամբ:

«Դա իսկապես Աղբեջանի հերթական սադրանքն էր ԼՂ հայության նկատմամբ, այս քայլը եւս մեկ դրսեւորում էր ապացուցելու, որ Աղբեջանն ուզում է Լեռնային Ղարաբաղն առանց հայության թողնել: Սա Աղբեջանի վարած էթնիկ գոման քաղաքականության շարունակությունն է, ինչը սկսվել է 44-օրյա պատերազմից հետո եւ ավելի սրվել է անցած տարի դեկտեմբերից, երբ Լաչինի միջանցքը շրջափակվեց: Եվ բոլոր միջադեպերը՝ թե՛ ոստիկանների սպանությունը, թե՛ գազամուղի պարբերաբար փակելը, եւ մյուս հումանիտար խնդիրները, որոնք առաջանում են ԼՂ-ում, Աղբեջանի վարած քաղաքականության դրսեւորումներն են: Մեր խնդիրն է այս հացերը անդադար բարձրաձայնել միջազգային գործընկերների մոտ եւ ցույց տալ, որ Աղբեջանը նման քաղաքականություն է վարում ԼՂ հայության նկատմամբ, որ-

պեսզի մեծացվի Աղբեջանի վրա ճնշումը. մեր բոլոր շփումներում խոսում ենք այս մասին, փորձում ենք բարձրաձայնել խնդիրը:

«Պարոն Խանդանյան, շատ քննարկվեց, որ Հայաստանի ԱԳՆ-ն որեւէ կերպ չի արձագանքել միջադեպին. նախորդ դեպքերում թե՛ ոչ կոչոտ, բայց գոնե հայտարարություն տարածվում էր: Ինչու՞ այս անգամ լռեց ԱԳՆ-ն:

«Չեմ կարող մեկնաբանել՝ ինչու հայտարարություն չեղավ. գուցե լինի արձագանք, բայց ինչ վերաբերվում է ԼՂ-ում տիրող հումանիտար իրավիճակին եւ Լաչինի շրջափակմանը, թե՛ հրապարակային եղանակով, թե՛ հանդիպումների ընթացքում մեր դեսպանները եւ արտաքին գերատեսչության ներկայացուցիչները տարբեր հարթակներում խոսում են այդ մասին:

«Աղբեջանի նման սադրանքների պայմաններում Հայաստանի իշխանությունն

ինչպե՞ս է պատկերացնում խաղաղության շուրջ բանակցությունները, խաղաղության պայմանագրի կնքումն Աղբեջանի հետ:

«Մենք կարծում ենք, որ դրա համար պետք է շարունակաբար բարձրացնել տեսանկյունը մեր տարածաշրջանի ու տարածաշրջանում առկա խնդիրների վրա, մասնավորապես՝ Աղբեջանի վարած քաղաքականության վրա, եւ մեր միջազգային գործընկերներին ու բարեկամ երկրներին պետք հորդորենք, որ ավելի ակտիվ ներգրավված լինեն մեր տարածաշրջանում խնդիրները կազավորելու հարցում: Մյուս կարեւոր քայլն էլ այն է, որ պետք է շարունակենք շարժվել մեր երկրի ժողովրդավարացման ուղով, ինստիտուտների զարգացման ուղով: Սա այն կարեւոր ինստիտուտն է, որ կարեւոր է եւ մեր երկիրը գրավիչ է դարձնում միջազգային հարթակում:

ԶՐՈՒՅԵՑ ԲՐԻՍՄԻՆԵ ՍՈՒՇԵՂՅԱՆԸ

ՄԵԿ ԱՆՁԻՑ

ԳՆՄԱՄԲ՝ ԱՐՈՒԵԼԻ ԳՈՐԾԱՐՔ



էջ 3

Երեւանի քաղաքապետարանն այս տարվա փետրվարի 23-ին մեկ անձից գնման շրջանակներում պայմանագիր է կնքել «Բեգրաուլո Փրոդաքշն» ՍՊԸ հետ ջազ համերգ կազմակերպելու համար: Պատերազմի շեփն գտնվող մեր երկրում 89 մլն 280 հազար դրամ (մոտ 228 հազար դոլար) գումար է վճարվել ջազ համերգի համար ուղիղ մեկ ընկերությանը:

Իհարկե, առաջին անգամը չէ, որ մեկ անձից գնման ընթացակարգով նման ահռելի թվով գործարք է կնքվում, եւ այս դեպքում պատճառաբանված չէ, թե ինչու պետք է նման մասշտաբի համերգ կազմակերպել՝ վճարելով այսքան մեծ գումար: Ընդ որում, 2023 թվականի ապրիլին Երեւանում կայանալիք ծանրամարտի Եվրոպայի մեծահասակների առաջնության անցկացման համար կազմակերպված մրցույթի հաղթողը եւս այս ընկերությունն է եղել: Հաղթող ընկերության՝ «Բեգրաուլո Փրոդաքշն» ՍՊԸ-ի հետ կնքված պայմանագրից պարզ է դառնում, որ ընդհանուր ծառայության համար ԿԳՄՍ նախարարությունը փուլային եղանակով կվճարի 1 մլրդ 160 մլն դրամ, որ կազմում է 2.5 միլիոն դոլար: Նկատենք, որ «Բեգրաուլո Փրոդաքշն»-ի հետ նման պատկառելի գորմարքներ պետական եւ տեղական ինքնակառավարման մարմինները հաճախ են կնքում: Օրինակ՝ 2022 թվականին վարչապետի աշխատակազմը «Սթեյջ Սթայլ» ՍՊԸ-ի հետ 33 մլն 750 հազար դրամի պայմանագիր է կնքել, 40 մլն 410 հազար դրամի՝ «Բրիջ» ՍՊԸ-ի, 80 մլն 183 հազար դրամի էլ դարձյալ «Բեգրաուլո Փրոդաքշն» ՍՊԸ-ի հետ է պայմանագիր կնքել: Պետական տոնացույցում ընդգրկված Անկախության օրվան նվիրված միջոցառումները Կառավարությունն իրականացրել էր մեկ անձից կատարվող գնման ընթացակարգով՝ առանց մրցույթի: Իսկ ո՞ւմ է պատկանում «Բեգրաուլո Փրոդաքշն» ընկերությանը, որ մշտապես հաղթում է առանց մրցույթների: «Բեգրաուլո Փրոդաքշն» ՍՊԸ-ն գործունեություն սկսել է ծավալել 2018-ի հեղափոխությունից հետո: Հիմնադիր տնօրենը Արմեն Սարգսյանն է. վերջինս 2021 թվականի դեկտեմբերի 2-ին Նշանակվել էր Հանրապետության նախագահ Արմեն Սարգսյանի օգնական, Վահագն Խաչատրյանի՝ նախագահի պաշտոնը ստանձնելուց հետո՝ 2022 թ. մարտի 18-ին, ազատվել է աշխատանքից: Այժմ միայն Background Production-ի հիմնադիր գործադիր տնօրենն է:

ԿՈՒԹԻ ՀԱՄԱՅՆՔԱՊԵՏԱՐԱՆ

ՄԵՂԱՆ-ԱԹՈՌԻՑ ՄԻՆՉԵՎ ՀԱՄԱԿԱՐԳԻՉ

ԱԺ մարդու իրավունքների դաշտայինության եւ հանրային հարցերի մեջական հանձնաժողովի նախագահ, անկուսակցական Թագուհի Թովմասյանը սոցցանցի իր էջում գրում է. «Մահամաներձ Կուբ համայնքի գյուղապետարանն ավերածություններից հետո աշխատանքային սեփի բերեցին»:



USAID Armenia-ի կողմից, գույքը ձեռք բերվեց Ազգային ժողովից, մնաց տանիքի հարցը լուծենք... Նորոգումը դեռ չէմ ասում:

Հայաստանի անվտանգությունը սկսվում է առաջնագծում բնակեցված գյուղերից: Միջոտ ձեզ հետ եմ, սիրելի՛ ժողովուրդ»:

ԻՐԱՎԻՃԱԿ

ԿՈՌՈՒՊՑԻԱ

ՋԱԶ ՀԱՄԵՐԳ՝ 89 ՄԼՆ ԴԻՄԱՄՈՎ

ԻՆՉ

ՀԱՆԳԻՊՈՒՄՆԵՐ ԵՆ ՄՊԱՍՎՈՒՄ

Ազգային ժողովի նախագահ Ալեն Սիմոնյանի գլխավորած պատվիրակությունը ապրիլի 12-15-ը կգործուղվի Սանկտ Պետերբուրգ:

Հայաստանի Հանրապետության ԱԺ պատվիրակությունը կմասնակցի ԱՊՀ միջխորհրդարանական վեհաժողովի խորհրդի եւ լիագումար նիստերի, ԱՊՀ միջխորհրդարանական վեհաժողովի մշտական հանձնաժողովների աշխատանքներին:

ArmLur.am-ը տեղեկացավ, որ պատվիրակության կազմում կլինեն Ազգային ժողովի նախագահ Ալեն Սիմոնյանը, Ազգային ժողովի նախագահի տեղակալ Ռուբեն Ռուբինյանը, Ազգային ժողովի տարածաշրջանային եւ եվրասիական ինտեգրման հարցերի մշտական հանձնաժողովի նախագահի տեղակալ Վաղարշակ Հակոբյանը, Ազգային ժողովի պատգամավոր Ալեքսեյ Սանդիկովը:

Պատվիրակության կազմում ընդգրկված են նաեւ խորհրդարանի աշխատակազմի արտաքին կապերի վարչության պետ Տիգրան Սեյրանյանը, աշխատակազմի արարողակարգի վարչության պետ Ալեքսանդր Մխիթարյանը, Ազգային ժողովի նախագահի մամուլի քարտուղար Ծովինար Խաչատրյանը, օգնական Աշխեն Հայրապետյանը եւ այլք:

Գործուղման մեկնողներից 4-ի ճանապարհածախսը, ներկայացուցչական ծախսերը, օրապահիկի եւ գիշերավարձի վճարն արվելու է ՀՀ պետբյուջեից ԱԺ-ին այդ նպատակի համար հատկացված միջոցներով, իսկ մյուս 8 անձի գործուղման հետ կապված գիշերավարձի վճարումը կատարելու է ԱՊՀ ՄԽՎ-ն:

ԿՐՆՆԱՐԿՎԻ ԱՅՍ ԸՆԲԱԹ

ArmLur.am-ը տեղեկացավ, որ խորհրդարանն այս շաբաթ կքննարկի Մարդու իրավունքների պաշտպանի ընտրության հարցը:

ՄԻՊ պաշտոնում Ազգային ժողովի մարդու իրավունքների պաշտպանության եւ հանրային հարցերի մշտական հանձնաժողովն առաջարկել է Անահիտ Արտյոմի Մանասյանի թեկնածությունը:

Ըստ «ԱԺ կանոնակարգ» օրենքի՝ Մարդու իրավունքների պաշտպանն ընտրվում է գաղտնի քվեարկությամբ, պատգամավորների ընդհանուր թվի ձայների առնվազն երեք հինգերորդով:

Նույն օրենքի համաձայն՝ եթե ՄԻՊ չի ընտրվում, ապա քվեարկությունից հետո՝ տասնօրյա ժամկետում, թափուր մնացած պաշտոնում կարող են առաջադրվել նոր թեկնածուներ:

ArmLur.am-ի տեղեկություններով՝ «Հայաստան» խմբակցության երեկվա նիստին քննարկվել են այսօր մեկնարկելիք ԱԺ քառօրյայի հետ կապված հարցեր, այդ թվում՝ Միեր Սահակյանին անձեռնմխելիությունից զրկելու դատախազության միջնորդագրի հետ կապված հարցեր:

ArmLur.am-ի տեղեկություններով՝ որոշում է կայացվել մասնակցել այդ հարցով Ազգային ժողովի նիստին:

Երեանի ֆալամադեսարանը 20.02.2023թ. մեկ անձից գնման օրացանկներում դայմանագիր է կնքել «Բեգրաունդ Փրոդաբեյ» ՍՊԸ հետ ջազ համերգ կազմակերպելու համար 89.280.000 դրամով:

«Համաձայն «Գնումների մասին» օրենքի՝ այս դեպքում մեկ անձից գնում կարող է կատարվել, եթե ծառայությունը հնարավոր է ձեռք բերել միայն մեկ անձից, կամ եթե արտակարգ իրավիճակի առաջացման հետևանքով ծագել է գնման անհետաձգելի պահանջ: Մեկ անձից գնումով միջոցառում կազմակերպվել էր նաեւ գիրք նվիրելու օրը 35.000.000 դրամով:

Առաջին անգամը չէ, երբ մեկ անձից գնման ընթացակարգով նման ահռելի քանակի գնում է կատարվում, եւ այս դեպքում պատճառաբանված չէ, թե ինչու պետք է նման մասշտաբի համերգ կազմակերպել՝ վճարելով այսքան մեծ գումար:

Սա առաջին դեպքը չէ, երբ պայմանագիր է կնքվում հետց «Բեգրաունդ Փրոդաբեյ» -ի հետ. 2022 թվականին վարչապետի աշխատակազմը «Սթեյջ Սթայլ» ՍՊԸ-ի հետ 33 մլն 750 հազար դրամի պայմանագիր է կնքել, 40 մլն 410 հազար դրամի՝ «Բրիջ» ՍՊԸ-ի, 80 մլն 183 հազար դրամի էլ՝ «Բեգրաունդ Փրոդաբեյ» ՍՊԸ-ի հետ: Պետական տոնացույցում ընդգրկված Անկախության օրվան նվիրված միջոցառումները Կառավարությունն իրականացրել էր մեկ անձից կատարվող գնման ընթացակարգով՝ առանց մրցույթի:

Անդրադառնալով առանց մրցույթի պետությունից տասնյակ միլիոններ ստացող կազմակերպություններին՝ նշենք, որ դրանցից «Սթեյջ Սթայլ» ընկերությունը, ըստ պետական ռեգիստրի տվյալների, հիմնադրվել է 2013 թվականի սեպտեմբերին: Այս ընկերությունը հիմնադրման օրվանից առ այսօր պետական կառույցների հետ հարյուրավոր միլիոնների շուրջ երեք տասնյակ պայմանագիր է կնքել, սակայն ուշագրավ է, որ 2013 թվականից հիմնադրված ընկերությունը, ըստ գնումների կայքի, միայն 2018-ի իշխանափոխությունից հետո է սկսել բյուջեի հաշվին ծառայություններ մատուցել: Միայն



255 մլն դրամի ծառայություններ է մատուցվել Հանրային հեռուստաընկերությանը, ինչպես նաեւ վարչապետի աշխատակազմին, Աշխատանքի եւ սոցիալական հարցերի նախարարությանը եւ Լոռու մարզպետարանին: 2021 թվականից ընկերության սեփականատեր է դարձել Բագրատ Դիվանյանը, որը հիմնադրման օրվանից զբաղեցրել է գործադիր տնօրենի պաշտոնը:

Իսկ, ահա, «Բրիջ» ՍՊԸ-ն այս տարի միայն ԿԳՄՍ նախարարության հետ շուրջ 300 մլն դրամի պայմանագիր է կնքել Երզնի պետական եւ Սոս Սարգսյանի անվան համազգային թատրոններում աշխատանքներ իրականացնելու համար: 2015 թվականին հիմնադրված այս ընկերությունը պետական կառույցներին խոշոր գումարներով ծառայություններ սկսել է մատուցել այս տարվանից: Անկախության օրվա միջոցառումների բյուջեից ամենամեծ բաժինը՝ 80 մլն դրամ ստացող «Բեգրաունդ Փրոդաբեյ» ՍՊԸ-ն էլ գործունեություն սկսել է ծավալել հեղափոխությունից հետո: Ըստ գնումների կայքի՝ այս ընկերությունը ծառայություններ է մատուցում միայն վարչապետի աշխատակազմին: Մեկ այլ օրինակ էս. «2023 թվականի ապրիլին երեւանում կայանալիք ծանրա-

մարտի Եվրոպայի մեծահասակների առաջնության անցկացման համար կազմակերպված մրցույթի հաղթողը, այդ թվում առաջնության խորհրդանիշը, ընտրվել են Հայաստանի Հանրապետության վարչապետի աշխատակազմի կողմից Եվրոպայի առաջնության կազմակերպման հետ կապված ծառայությունների ձեռք բերման նպատակով «ՀՀՎԱ-ԵՄՇՁԲ-23/1» ծածկագրով կազմակերպված երկու փուլով մրցույթի ընթացակարգի արդյունքում: Ի կատարումն ՀՀ կառավարության 29.12.2022թ թիվ 2111-Ն որոշման 1-ին կետի 15-րդ ենթակետի՝ մրցույթի ընտրված մասնակցից ճանաչված «Բեգրաունդ Փրոդաբեյ» ՍՊԸ-ի հետ ՀՀ կրթության, գիտության, մշակույթի եւ սպորտի նախարարության կողմից 09.03.2023թ. կնքվել է սպորտային միջոցառումների կազմակերպման ծառայությունների գնման թիվ «ՀՀՎԱ-ԵՄՇՁԲ-23/1-1» ծածկագրով պայմանագիրը: Հաղթող ընկերության՝ «Բեգրաունդ Փրոդաբեյ» ՍՊԸ-ի հետ կնքված պայմանագրից պարզ է դառնում, որ ընդհանուր ծառայության համար նախարարությունը փոխադրել էր անվանակարգի 1.160.000.000 դրամ:

ՆԱԻՐԱ ՀՈՎՀԱՆՆԻՍՅԱՆ

ՕՐԵՆՍՈՒՐ ՍԱՐՄՆԻ «ՀՆՉԵՂ» ՄԻՋՎՈՒՊԵՏՐՈՆ

Հայաստանի խորհրդարանի ձեռնարկից ի վեր՝ մեր երկրի օրենսդիր մարմնում աղմկահարույց դեպքերն անողական են եղել:

«Ժողովուրդ» օրաթերթը պատմական ակնարկ է կատարել՝ հիշեցնելով խորհրդարանում պատգամավորների միջեւ արձանագրված մի շարք «հնչեղ» միջադեպերը, որոնք ծեծկռուտով կամ ձեռնամարտով են ավարտվել: Այսպիսով, 1997թ.-ի սեպտեմբերին սեւ կատու է անցնում Պարույր Հայրիկյանի եւ Լուսինե Կարամյանի միջեւ: Հայրիկյանը ապտակում է Զաքարյանին լրտես կոչելու համար: Այդ ապտակը Հայրիկյանն անվանել էր հայրական:

Անահիտ Բայանդուրը գերագույն խորհրդի պատգամավոր իր գործընկեր Խաչիկ Ստամբոլցյանի մորուքից բռնել ու քաշքշել էր, մի քանի հոգով դժվարացել էին գառնել տիկնոջ ձեռքերից Ստամբոլցյանին:

Աղմկահարույց հաջորդ միջադեպը խորհրդարանում արձանագրվել էր 2002 թ.-ին, երբ Ալրադաղի Լյուիկ մականվամբ հայտնի ՀՀԿ ակն պատգամավոր Լեւոն Սարգսյանը ԱԺ նիստերի դահլիճում հարձակվել էր ընդդիմադիր պատգամավոր, ՀՀԿ-ական Արամյա Բարսեղյանի վրա եւ հարվածներ հասցրել նրան:

2014թ.-ի նոյեմբերին ծեծկռուտը էր եղել ՀՀԿ-ական պատգամավոր Սամվել Ֆար-

մանյանի եւ ՀԱԿ խմբակցության ղեկավար Լեւոն Զուրաբյանի միջեւ:

Վեճի առարկան եղել էր Ֆարմանյանի այն հայտարարությունը, թե ԱԺ ընտրությունների ժամանակ ԲՀԿ-ն իր ընտրատարածքում փող է բաժանել՝ հոգուտ ՀԱԿ-ի: Այս հայտարարությունն այնքան էր վրդովեցրել Զուրաբյանին, որ նա պատիվ էր պահանջել Ֆարմանյանից, ապա, իր խոսքերով ասած, ծանոթացրել նրան իր ոտքի չափսին մոտիկից:

2017թ.-ի հոկտեմբերին ՀՀԿ-ական Արտաշես Գեղամյանը խորհրդարանի միջանցքում մոտեցել էր «Ելք» խմբակցության ղեկավար Նիկոլ Փաշինյանին ու բռնկեց իր ձեռքերով հարվածել նրան: Փաշինյանն էլ նրան էր ոտքով հարվածել:

Հեղափոխական խորհրդարանը ես բազմիցս աչքի է ընկել նման աղմկահարույց միջադեպերով:

Այսպիսով, 2020թ.-ի մայիսին խորհրդարանում ծեծկռուտը տեղի ունեցավ «Իմ քայլը» խմբակցության պատգամավոր Սասուն Միքայելյանի ու ԼՀԿ ղեկավար Էդմոն Մարուքյանի միջեւ: Երբ Էդմոն էր ունենում ԱԺ «Լուսավոր Հայաստան» խմբակցության ղեկավար Էդմոն Մարուքյանը, «Իմ քայլի» պատգամավոր Սասուն Միքայելյանը տեղից վեր կացավ եւ ապտակեց Մարուքյանին:

2020թ.-ի հունվարին հերթական ծեծկռուտը էր տեղի ունեցել Ազգային ժողովի

շենքի մոտ «Իմ քայլը» խմբակցության պատգամավոր Սիսակ Գաբրիելյանի եւ բողոքի ակցիա իրականացնող մի խումբ քաղաքացիների միջեւ: Գաբրիելյանը հարվածել էր քաղաքացիներից մեկին:

2021թ.-ի օգոստոսին ԶՊ խմբակցության պատգամավոր Վահագն Ալեքսանյանը ԱԺ դահլիճում ոտքով հարվածել էր ընդդիմադիր պատգամավոր Վահե Հակոբյանին:

Նույն օրը ԱԺ-ում տեղի էր ունեցել ես մեկ միջադեպ ընդդիմադիրների եւ իշխանական պատգամավորների միջեւ, երբ ԶՊ խմբակցության պատգամավոր Հայկ Սարգսյանն իր ելույթում անդրադարձել էր «Հայաստան» խմբակցության ղեկավար Սեյրան Օհանյանին՝ վիրավորական արտահայտություններ թույլ տալով նրա հասցեին, որից հետո Օհանյանը շիջ էր նետել Սարգսյանի ուղղությամբ:

Հետաքրքիր է, որ բոլոր այս միջադեպերի մասով պատգամավորներից որեւէ մեկը պատասխանատվության չի ենթարկվել, գլխավոր դատախազը պատգամավորների հետեւից չի եկել, իսկ, ահա, այսօր գլխավոր դատախազը կգա խորհրդարան՝ «Հայաստան» խմբակցության պատգամավոր Միեր Սահակյանի նկատմամբ քրեական հետապնդում սկսելու համար խորհրդարանի «թույլտվությունը» ստանալու: Սա անախադեպ բան է հայրենի խորհրդարանի պատմության մեջ:

ԳՈՐԾ

ՊԱՏԳԱՄԱՎՈՐՆԵՐԻ ՑՈՒՑՄՈՒՆՔԸ՝ ՄԻՋԱԳԵՊԻ ՄԱՍԻՆ

ArmLur.am-ը գրել էր, որ ՀՀ գլխավոր դատախազ Աննա Վարդապետյանը վաղը կգա խորհրդարան՝ Ազգային ժողովի դասգամավոր Միեր Սամվելի Սահակյանի նկատմամբ հանրային ֆրեական հետադարձում հարուցելուն համաձայնություն սալու մասին հարցը ֆինարկելու համար:

Դատախազը ներկայացրել է 18 էջից բաղկացած միջնորդություն: Այստեղ մանրամասն ներկայացված է, թե օրենքի ինչ խախտումներ է թույլ տվել Միեր Սահակյանը, եւ թե ինչ ցուցմունք են տվել նիստին ներկայները: Միջնորդության մեջ նշվում է նիստի ժամանակ Արծվիկ Մինասյանի՝ քննարկման թեմայից շեղվելու հանգամանքը. հակադրվել է Վլադիմիր Վարդանյանին, ձեռքով հարվածել է սեղանին, ոտքի կանգնել, բղավելով դիտողություն արել Վլադիմիր Վարդանյանին: Ապա նշվում է, որ նա շրջանցել է նստած Ալիսա Ղազարյանին, մոտեցել Վարդանյանին եւ աջ ձեռքով հարվածել նրա ձախքունքային շրջանին: Այսպիսով, Միեր Սահակյանին մեղադրանք առաջարկվել է քրեական օրենսգրքի 171-րդ հոդվածի 2-րդ մասի 7-րդ կետով եւ 297-րդ հոդվածի 1-ին մասով:

Այժմ ներկայացնենք, թե ինչ ցուցմունք են տվել մի քանի վկաները. տուժող Վլադիմիր Վարդանյանին իր ցուցմունքում նշել է, որ աջ ձեռքին ինչ-որ առարկայով հարվածել է իր ձախ հոնքին: Վլադիմիր Վարդանյանը իր ցուցմունքում նշել է, թե մինչ այդ որեւէ գործողություն ինքը չի կատարել, Միեր Սահակյանին ընդառաջ չի գնացել, ընդամենը կանգնել է տեղից, որպեսզի կարողանա բոլորին հանդարտեցնել: ԶՊ-ական պատգամավոր Ալիսա



Ղազարյանը եւս իր ցուցմունքում նշել է այն մասին, որ Վլադիմիր Վարդանյանը կանգնած է եղել, սակայն տեղից չի շարժվել: Վերջինս նաեւ նշել է, թե հարվածի պահին շատ ուժեղ ձայն է լսել:

ԶՊ-ական պատգամավոր Վիգեն Խաչատրյանն իր ցուցմունքում կրկին նկարագրել է մարտի 31-ին տեղի ունեցածը: Նա եւս նշել է, թե Արծվիկ Մինասյանն է շեղվել քննարկվող թեմայից, որից հետո էլ քննարկումը շարունակելուն ուղղված կոչերին Միեր Սահակյանը ընդհատելով է արձագանքել: Նա եւս նշել է, թե Վլադիմիր Վարդանյանը կանգնել է իր տեղից, սակայն ընդառաջ չի գնացել որեւէ մեկին:

Ցուցմունք է տվել նաեւ իրավական հարցերով ներկայացուցիչ Եղիշե Կիրակոսյանը: Նրա խոսքով՝ Միեր Սահակյանը մեկ անգամ աջ ձեռքով, բռունցքի ներսի հատվածով հարվածել է Վարդանյանի ձախ աչքի հատվածին: Ընդդիմադիր պատգամավորների ցուցմունքներն էականորեն տարբերվում են, եւ, օրինակ, պատգամավոր Գեղամ Նազարյանը նշել է, թե Վլադիմիր Վարդանյանը, բացի կանգնելուց, նաեւ քայլել է Միեր Սահակյանի ուղղությամբ, վերջինս նույնպես կանգնել է, ու երբ Վարդանյանը հասել է նրան, աջ ձեռքով հարվածել է Վարդանյանին: Արծվիկ Մինասյանը եւս իր խոսքում նշել է, որ Վլադիմիր Վարդանյանը հանկարծակի կանգնել է եւ ագրեսիվ կեցվածքով քայլել դեպի Սահակյանը: Միեր Սահակյանն, նույնը նշելով, նաեւ հավելել է. «Վլադիմիր Վարդանյանն ագրեսիվ քայլել է իմ ուղղությամբ՝ բղավելով. «Լավ եմ անում. ում վրա ուզեմ, կգոռամ»: Նա նշել է, թե ինքնապաշտանության նպատակով բնագործար է հարվածել Վլադիմիր Վարդանյանին:

ՆԱԻՐԱ ԳՈՎԱՆՆԻՍԱՆ

ԼՈՒՐԵՐ

ՎԱՐԳԱՊԵՏՅԱՆԸ ԿԳՆԱ ԽՈՐԻՐՈՂԱՐԱՆ

ArmLur.am-ը տեղեկացավ, որ վաղը ՀՀ գլխավոր դատախազ Աննա Վարդապետյանը կգնա խորհրդարան: Այս անգամ պատճառը ԱԺ «Հայաստան» խմբակցության պատգամավոր Միեր Սահակյանն է: Մասնավորապես, դատախազը գալիս է խորհրդարան Ազգային ժողովի պատգամավոր Միեր Սամվելի Սահակյանի նկատմամբ հանրային քրեական հետապնդում հարուցելուն համաձայնություն տալու մասին հարցը քննարկելու համար:

Հիշեցնենք, որ «ժողովուրդ» օրաթերթը դեռ ապրիլի 7-ին էր գրել, որ ՀՀ գլխավոր դատախազ Աննա Վարդապետյանը կմտնի խորհրդարան «Հայաստան» խմբակցության պատգամավոր Միեր Սահակյանի հետեւից: Նրա նկատմամբ պետք է քրեական վարույթ հարուցվի:

Հավելենք, որ Ազգային ժողովի պետաիրավական հանձնաժողովի մարտի 31-ի նիստի ժամանակ, ըստ ընդդիմադիրների, նախ՝ իշխող «Քաղաքացիական պայմանագիր» խմբակցության ու «Հայաստան» խմբակցության պատգամավորների միջեւ քաղաքական քննարկումը թե՛ լեզվակոմի էր վերածվել, ապա, ըստ իշխանական պատգամավորների, Միեր Սահակյանը բռունցքով հարվածել էր հանձնաժողովի նախագահ, իշխող խմբակցության պատգամավոր Վլադիմիր Վարդանյանի հոնքին: Իշխանականները դիմել էին իրավապահներին, Սահակյանը բերման էր ենթարկել ոստիկանության բաժին, ապա՝ ձերբակալվել:

ՔՍԱՐ ՄԱՆՈՒԿՍԱՆ

ՎՆԱՍԵԼ Է ԻՆՔՆ ԻՐԵՆ

Տավուշի մարզի առաջին ատյանի դատարանի Բերդ քաղաքի նստավայրում ընթանում է Բերդ համայնքի Արծվաբերդ գյուղի բնակիչ Դավիթ Չոբանյանի դատավարությունը: Նրան մեղադրանք է առաջարկվել այն բանի համար, որ հանդիսանալով ՀՀ ՊՆ թիվ Ն զորամասի պայմանագրային զինծառայող՝ 2022թ. նոյեմբերի 17-ին՝ ժամը 20:30-ի սահմաններում, Արծվաբերդ բնակավայրի գերեզմանատանը՝ իր հոր շիրիմի մոտ, զինվորական ծառայության պարտականությունները կատարելու հետ չկապված, հոր նկատմամբ կարողից դրդված՝ փոքր ծալովի դանակով կրծքավանդակին եւ ձախ ձեռքի շրջանում կատարել է անդամախեղում՝ իրեն պատճառելով առողջության թերթեւ վնասի հատկանիշներ պարունակող մարմնական վնասվածքներ, որը կարող էր հանգեցնել զինվորական ծառայության պարտականությունների կատարումը ժամանակավորապես դադարեցնելուն: Դ. Չոբանյանին մեղադրանք է առաջարկվել՝ ՀՀ քրեական օրենսգրքի 528 հոդվածի 1-ին մասով. նրա նկատմամբ խափանման միջոց է ընտրվել բացակայելու արգելքը: Սույն քրեական գործով մեղադրանքը պաշտպանում է Լուռու կայազորի զինվորական դատախազությունը:

ՈՍՎԱՆ ՍԱՐԳՅԱՆ Տավուշ

ՍՈՒԲՍԻԴՎՈՐՄԱՆ ԾՐԱԳԻՐ

ՊԵՏՈՒԹՅՈՒՆԻՑ ԳՈՒՄԱՐ ԵՆ ՀԱՓՇՏԱԿԵԼ

ՀՀ ֆինչական կոմիտեի հասուկ հանձնարարություններով գործերի ֆիննության վարչությունում նախաձեռնված ֆրեական վարույթի օրհանակներում իրականացված ֆիննության արդյունքում դարգվել են ՀՀ կառավարության 2019թ. մարտի 29-ին «ՀՀ խաղողի, ժամանակակից սեխնորգիաներով մեակվող ինճեմսիվ դոզասու այգիների եւ հասադուղների հիմնման համար դեռական աջակցության ծրագիրը հաստատելու մասին» 361-Լ որոշմամբ հաստատված դեռական աջակցության ծրագրով, կեղծ փաստաթղթերի օգտագործմամբ, խարդախությամբ դեռությունից առանձնադես խոշոր չափերի գումար հափեսակելու դեղի մի շարք հանգամանքներ:



մասնակցելով նշված ծրագրին, վարձակալությամբ յուրաքանչյուրն իրենց պատկանող հողամասերում հիմնել են ընկուզե՛նու եւ նուշի ինտենսիվ այգի: Պետությունից առանձնապես խոշոր չափերի գումար հափշտակելու դիտավորությամբ, փոխհատուցում ստանալու նպատակով, ի թիվս հիմնավորող այլ փաստաթղթերի, նրանք ՀՀ էկոնոմիկայի նախարարություն են ներկայացրել ծառայությունների մատուցման կեղծ պայմանագրեր: Արդյունքում չկատարած ծախսերի դիմաց 2022թ.

ապրիլ ամսին Ս.Ղ-ն պետությունից ստացել է 24.225.000 ՀՀ դրամ, իսկ Վ. Հ.-ն՝ 26.125.000 ՀՀ դրամ գումար, որոնք խարդախությամբ հափշտակել են: Ձեռք բերված բավարար ապացույցների համակցությամբ՝ նշված անձանց մեղադրանք է ներկայացվել՝ ՀՀ քրեական օրենսգրքի 255-րդ հոդվածի 3-րդ մասի 3-րդ կետով եւ 457-րդ հոդվածի 1-ին մասով նախատեսված հանցավոր արարքների կատարման համար: Նախաքննությունը շարունակվում է:

● Ըստ ոստիկանության տվյալների՝ ապրիլի 7-ից 10-ը Հայաստանի Հանրապետությունում բացահայտվել է հանցագործության 109 դեպք, որոնցից 5-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՈՌՈՔՈՒՄ ԵՆ ԳԵԲԵԴԻ ԶԲՈՎ

Մի քանի օր առաջ Լոռու մարզի Թեղուտ գյուղում կայացել են Թեղուտի հանքի արդյունահանման թույլտվության ժամկետը 13 տարով երկարաձգելու, հանքավայրի ընդլայնման նախագծի վերաբերյալ հանրային լսումներ: Ըստ այդ նախագծի՝ նախատեսվում է Թեղուտի հանքավայրը վերստին շահագործել, այդտեղ տարեկան արդյունահանել 7 միլիոն տոննա հանքաքար: Լոռու մարզում գործող մետաղական հանքերը եւ հանքաքարը վերամշակող ընկերությունները գրեթե 20 տարի սպառնալիք են Տավուշի մարզի Նոյեմբերյան խոշոր համայնքի՝ Դեբեդ հովտի պողոտային հանքերի համար: Ներկայումս Ալավերդու պղնձաձուլական գործարանը չի գործում, սակայն Ախթալայի լեռնահարստացման գործարանի, Թեղուտ հանքից արտանետումների հետեւանքով Աղստե գետը աղտոտվում է ծանր մետաղներով: Գետի վտանգավոր ջրով են ոռոգվում Թումանյանի տարածաշրջանի Շնող, Ճոճկան, Այրում գյուղերի եւ Նոյեմբերյան խոշոր համայնքի բնակավայրերի՝ Արճիսի, Այրում քաղաքի, Լճկաձորի, Յաղա-Նակի, Պողավանի, Դեղձավանի, Բագրատաշենի, Դեբեդավանի հողատարածքները: Այդ բնակավայրերում անմշակ հողեր չկան, սեփականաշնորհված եւ վարձակալությամբ տրված բոլոր հողերը մշակում են, առավել եկամտաբեր են Դեբեդի ջրերով ոռոգվող դեղձի, կորոլյոկի եւ այլ մրգատեսակների այգիները: Դեբեդի հովտի այգեգործները բողոքում են, որ ծանր մետաղներով հագեցած գետի ջրով ոռոգելիս պողոտային ծառերի շուրջ հողը ամրանում է, ծառերը՝ չորանում: Դեռեւս 2008 թվականին Պողավան գյուղի այգեգործները ծանր մետաղներով Դեբեդ գետի աղտոտվածության վերաբերյալ իրենց մտահոգություններն էին հայտնել այն ժամանակ գյուղատնտեսության նախարար Արամայիս Գրիգորյանին եւ տարածքային կառավարման նախարար, փոխվարչապետ Արմեն Գեւորգյանին: Այն ժամանակ փոխվարչապետ Ա. Գրիգորյանը լրագրողին հայտնել էր, որ գյուղնախարարությանը հանձնարարական է տրվել Դեբեդից նմուշներ վերցնել եւ Երեւանում փորձաքննություն կատարել, Բնապահպանության նախարարությունն էլ երկարաժամկետ մոնիտորինգ է իրականացնելու Դեբեդի ափի երկայնքով գործող գործարանների կողմից Դեբեդ արտանետումների վերաբերյալ: Փոխվարչապետը հավաստիացրել էր՝ եթե մոնիտորինգի արդյունքում պարզվի, որ գետի ջուրը թույլատրելի նորմայից ավելի է աղտոտված ծանր մետաղներով, ապա պետք է միջոցներ ձեռնարկել դրա պատճառները վերացնելու համար: Այդ ժամանակից 15 տարի է անցել, ծանր մետաղներով հագեցած Դեբեդի ջրով Դեբեդի հովտի այգիները, հողատարածքները ոռոգելու խնդիրը մնում է:

ՈՍՎԱՆ ՍՈՐՈՍՅԱՆ Տավուշ

31 ՏԱՐԻ ԱՌԱՋ

ՀՀ ԱԳՆ-Ն ՂԱՅՏԱՐԱՐՈՒԹՅՈՒՆ Է ՏԱՐԱԾԵԼ

31 տարի առաջ՝ 1992թ. ապրիլի 10-ին, Ադրբեջանի զինված ուժերի կողմից իրականացվեց Լեռնային Ղարաբաղի Մարտկերտի քաղաքի Մարաղա հայկական բնակավայրում խաղաղ բնակչության ծրագրավորված դաժան կոտորածը, որի հետեւանո՞վ շուրջ 5000 բնակչություն ունեցող բնակավայրն ամբողջությամբ ենթարկվեց էթնիկ զտման, ավելի քան 50 խաղաղ բնակիչ դաժանաբար սպանվեց, նույնքան էլ գերեվարվեց, սվյակներ, որոնք փաստագրված են Human Rights Watch եւ Amnesty International իրավապաշտպան կազմակերպությունների գեկույցներում: Այս մասին հայաստանյայց էլ սարածել Հայաստանի ՄԿԿ-ն:

Հայտարարությունում նաեւ ասվում է. «Գերեվարվածներից շատերի ճակատագրերը մինչ օրս պարզված չեն, եւ վերջիններս համարվում են բռնի անհետացածներ: Մարաղայի կոտորածը Սումգայիթում, Կիրովաբադում եւ Բաքվում կազմակերպված հայերի ջարդերի շարունակությունն էր եւ արդրեջանական իշխանությունների՝ ազգային ինքնության հողի վրա զանգվածային ոճրագործությունների հերթական դրսևորումներից մեկը: Լեռնային Ղարաբաղի խաղաղ բնակչության դեմ կանխամտածված ոճրագործությունները, ռազմական հանցագործությունները, դրանց անպատժելիությունն ու հերոսացումն Ադրբեջանի համակարգային քաղաքականության մաս կազմեցին եւ նոր դրսևորումներ ստացան Լեռնային Ղարաբաղի դեմ Ադրբեջանի 2016թ. ապրիլյան ագրեսիայի, իսկ ավելի մեծ մասշտաբներով՝ 2020թ. 44-օրյա պատերազմի ժամանակ, որի հետեւանքով տեղահանվեցին նաեւ Հադրութի, Շուշիի եւ հարակից շրջանների տասնյակ հազարավոր հայեր: Պատահական չէ, որ ոչ միայն 1988-1991թթ. Լեռնային Ղարաբաղից տեղահանված հայերը տարիների ընթացքում երբեւէ հնարավորություն չեն ստացել վերադառնալ իրենց տներ եւ իրացնել իրենց իրավունքները, այդ թվում՝ տնօրինել իրենց մասնավոր սեփականությունը, այլ նաեւ ներկայումս, խախտելով 2020թ. Նոյեմբերի 9-ի եռակողմ հայտարարության դրույթները, Ադրբեջանը խաթարում է տեղահանված անձանց եւ փախստականների վերադարձը Լեռնային Ղարաբաղ եւ հարակից շրջաններ, ինչը պետք է իրականացվի ՄԱԿ-ի փախստականների հար-



ցերով բարձր հանձնակատարի վերահսկողության ներքո: Ավելին, խախտելով միջազգային իրավունքի նորմերը եւ իր իսկ ստանձնած միջազգային պարտավորությունները՝ պաշտոնական Բաքուն այս օրերին արդրեջանցիներով է բնակեցնում իր վերահսկողության տակ անցած հայկական բնակավայրերը, հայերի տները, ինչպես, օրինակ, հայկական Թալիշ գյուղում: Հատկանշական է նաեւ, որ կոպտորեն խախտելով հեղինակավոր միջազգային դատական ատյանների վճիռները՝ Ադրբեջանը բացահայտ կերպով շարունակում է պղծել, վանդալիզմի ենթարկել եւ ոչնչացնել հայկական կրոնական ու պատմամշակութային կոթողներն ու սրբավայրերը՝ նպատակ ունենալով իր վերահսկողության տակ գտնվող տարածքներից ջնջել հայկական հետքն առհասարակ: Միեւնույն ժամանակ, ամենաբարձր մակարդակով շարունակվում է հայության նկատմամբ ատելության քարոզը: Այս արձանագրումներն արդեն իսկ բազմիցս դատապարտվել են միջազգային կառույցների կողմից: Մարաղայի ոճրագործությունից 35 տարի անց շուրջ չորս ամիս է, ինչ Ադրբեջանն ապօրինի կերպով արգելափակված է պահում Լեռնային Ղարաբաղը մնացյալ աշխարհի հետ կապող Լաչինի միջանց-

քը: Լեռնային Ղարաբաղում կանխամտածված կերպով հումանիտար ճգնաժամի ստեղծումը, արդրեջանական զինված ուժերի կողմից Լեռնային Ղարաբաղում զինադադարի պարբերական խախտումներն ու ագրեսիվ գործողությունները, քաղաքացիական բնակչության շարունակական թիրախավորումն ու ահաբեկումը կրկին ապացուցում են, որ Ադրբեջանի նպատակը Լեռնային Ղարաբաղն էթնիկ գտումների ենթարկելն է: Այսօր մենք հարգանքի տուրք ենք մատուցում Մարաղայի կոտորածների զոհերի հիշատակին: Նման ոճրագործությունների հետագա կանխարգելման համար եւս մեկ անգամ ընդգծում ենք միջազգային հանրության գործուն քայլերի, այդ թվում՝ տրամադրության տակ առկա միջազգային մեխանիզմների կիրառման հրատապությունը: Հայաստանի Հանրապետությունը վերահաստատում է իր հավատարմությունը տարածաշրջանում երկարատեւ ու համապարփակ խաղաղության ու անվտանգության հաստատմանը, որը հնարավոր է Ադրբեջանի կողմից առավելապաշտական ու ագրեսիվ քաղաքականությունից հրաժարվելու եւ առկա խնդիրներին արդարացի լուծումներ փնտրելու ճանապարհով:

ՆԱԽԱԶԵՆՆՈՒԹՅՈՒՆ

ԲԱՐԵՓՈՒՄՆԵՐ՝ ԽՆԴԻԻ ԿԱՐԳԱՎՈՐՄԱՆ ՆՊԱՏԱԿՈՎ

Մրցակցության դաշտանության հանձնաժողովը, հաշվի առնելով փոքր եւ միջին ձեռնարկատիրությանը զբաղվող ճնշված սեփականության ունեցիկների կողմից մասնակարգված ապրանքների դիմաց ուժ վճարելու եւ այլ կերպ ճնշված գործունեությունը սահմանափակելու հնարավոր դեղքերը, մեակել է «Ճնշված մրցակցության դաշտանության մասին» օրենքում փոփոխություններ եւ լրացումներ կատարելու մասին» եւ «Առեւտրի եւ ծառայությունների մասին» օրենքում լրացումներ կատարելու մասին» օրենքների նախագծերը:

Մասնավորապես, նախագծերը նպատակաուղղված են հավասարակշռելու առեւտրային ցանց - մատակարարներ հարաբերությունները՝ նախատեսելով կարգավորումներ պայմանագրի համար ուշ վճարելու, պայմանագրի կնքելուց հրաժարվելու եւ բանակցային ուժեղ դիրքով պայմանավորված այլ դեպքերի համար: Նախագծերով նախատեսվում է նաեւ կարգավորել գյուղատնտեսական արտադրանքի ձեռք բերման հարաբերություններում առկա խնդիրները, օրինակ՝ պայմանագրի համար ուշ վճարելը, որոնք պայմանավորված են իրացման շղթայում «պայմանագրային առավելություն» ունեցող կողմի առկայությամբ:

Նախագծերի ամբողջական փաթեթն արդեն իսկ ուղարկվել է շահագրգիռ սուբյեկտներին դիտողություններ եւ առաջարկներ ստանալու նպատակով: Փաթեթը հանրության համար հասանելի է իրավական ակտերի նախագծերի հրապարակման միասնական կայքում՝ <https://www.e-draft.am/projects/5502/about> հղմամբ: Դիտողությունների եւ առաջարկությունների դեպքում քաղաքացիները կարող են մինչեւ սույն թվականի ապրիլի 21-ը դրանք ներկայացնել Մրցակցության պաշտպանության հանձնաժողով [info@competition.am](mailto:info@competition.am) էլ. փոստի հասցեով:

● Անցած 3 օրվա ընթացքում Հայաստանի Հանրապետությունում արձանագրվել է 32 ճՏՊ. 1 մարդ զոհվել է, 42-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԼՈՒՐԵՐ

ԱՎԵԼԱՑԵԼ Է ԵՐԹԵՎԵԿՈՒԹՅՈՒՆԸ

Այս տարվա առաջին եռամսյակում Հայաստանում արձանագրվել է երթևեկության ինտենսիվության ավելացում:

Յու մասին ArmLur.am-ը տեղեկանում է «Ճանապարհային դեպարտամենտ» հիմնադրամից, որն իրականացնում է ՀՀ ավտոճանապարհների երթևեկության ինտենսիվության տվյալների հավաքագրում:

ՀՀ 4 միջպետական նշանակության ավտոմոբիլային ճանապարհների (Մ-2, Մ-3, Մ-4, Մ-6) 5 կետերում տեղադրված են ավտոմոբիլային տրանսպորտի ինտենսիվությունը չափող 5 առցանց աշխատող հաշվիչներ:

«ՀՀ միջպետական նշանակության բոլոր 5 կետերում տեղադրված հաշվիչներն էլ ընթացիկ տարվա առաջին եռամսյակում արձանագրել են երթևեկության ինտենսիվության ավելացում՝ նախորդ տարվա նույն ժամանակահատվածի համեմատ»,- ասված է հարցազրույցում:

ԿԱՍԵՑՎԵԼ Է ԳՈՐԾՈՒՆԵՈՒԹՅՈՒՆԸ

ՀՀ սննդամթերքի անվտանգության տեսչական մարմնի Սյունիքի մարզային կենտրոնի տեսուչները ստուգում են իրականացրել անհատ ձեռնարկատեր Լենո Հարությունյանին պատկանող հացի (լավաշի) արտադրամասում և հայտնաբերել իրավական ակտերով սահմանված նորմերի մի շարք խախտումներ (Սյունիքի մարզ, գ. Շինուհայր):

Մասնավորապես՝ արտադրական շինության նախագծումը, դրա կառուցվածքը, դասավորվածությունը չեն բացառել կենդանիների, այդ թվում՝ կրծողների և միջատների ներթափանցումը, կեղտի կուտակումը և բորբոսի առաջացումը, հատակի և պատերի մակերեսային պատրաստված չեն եղել անջրանցիկ, լվացվող նյութերից,

արտադրական շինությունների, տեխնոլոգիական սարքավորումների և գույքի մաքրում, լվացում, ախտահանում չի իրականացվել,

սննդամթերքի պատրաստման ընթացքում օգտագործվող պարենային իրավորելի պայմաններում,

սննդի կառուցվածքը և պահոված չի եղել անձնակազմի համար հանդերձարանով, սակայն արտադրական տարածքում պահվել է անձնական և արտադրական հագուստ, չեն եղել լվացարաններ,

անձնակազմը չի ենթարկվել պարտադիր պարբերական բժշկական զննությունների:

Արտադրամասի արտադրական գործունեությունը կասեցվել է, սահմանվել է հայտնաբերված խախտումները վերացնելու ժամկետ:

2023-2024 ՈՒՍՏԱՐԻ

ԱՍՊԻՐԱՆՑՈՒՐԱՅԻ ԸՆԴՈՒՆԵԼՈՒԹՅԱՆ ՏԵՂԵՐ

ՀՀ կառավարության որոշմամբ՝ հաստատվել են բուհերի և գիտական կազմակերպությունների՝ 2023-2024 ուսումնական տարվա ասպիրանտուրայի ընդունելության տեղերը:

Ինչպես հայտնում են ՀՀ ԿԳՄՍ նախարարության հասարակայնության հետ կապերի ու տեղեկատվության վարչությունից, որոշման նպատակը ՀՀ կառավարության ծրագրով պետության համար առաջնային և կարևորություն ունեցող ոլորտները (ֆիզիկամաթեմատիկական, քիմիական, կենսաբանական, տեխնիկական, գյուղատնտեսական, բժշկական գիտություններ), ինչպես նաև բուհերի և գիտական կազմակերպությունների ամբիոնները համապատասխան մասնագետներով ապահովելն է:


2023-2024 ուստարվա ասպիրանտուրայի ընդունելության համար հատկացվել է՝

- պետական կրթաթոշակով, նպաստի ձեռով ուսման վճարի լրիվ փոխհատուցմամբ, առկա ուսուցմամբ՝ 151 տեղ,
- նպաստի ձեռով ուսման վճարի լրիվ փոխհատուցմամբ, հեռակա ուսուցմամբ՝ 35 տեղ,
- պետական կրթաթոշակով, նպաստի ձեռով ուսման վճարի լրիվ փոխհատուցմամբ, միջպետական համաձայնագրերով՝ 24 տեղ:

Առկա ուսուցման 151 տեղերից 98-ը (65 %-ը) նախատեսվում է տրամադրել բնական և տեխնիկական գիտություններին: Հեռակա ուսուցման 35 տեղերից հիշյալ ոլորտին նախատեսվում է տրամադրել 17-ը (49 %-ը):

2023-2024 ուստարվա ասպիրանտուրա ընդունելության նպաստի ձեռով ուսման վճարի լրիվ փոխհատուցմամբ (անվճար) տեղերը՝ ըստ մասնագիտությունների ձեռնարկի հաշվի են առնվել:

- գերատեսչությունների ներկայացրած հայտերը,
- հետբուհական կրթական ծրագիր իրականացնող ուսհաստատությունների ներկայացրած հայտերը,
- հավանական գիտական ղեկավարների գիտաչափական տվյալները (հրապարակված հոդվածներ, գիտական աստիճան և այլն),
- բուհերի կամ գիտահետազոտական կազմակերպությունների ամբիոններում հիմնական աշխատողների (ըստ հաստիքացուցակի) թվաքանակը, տարիքա-



ին շեմը (65-ից բարձր), սովորող ասպիրանտների թիվը, ինչպես նաև անհրաժեշտ համապատասխան մասնագետների քանակը,

- բարձրագույն և հետբուհական մասնագիտական կրթություն իրականացնող ուսհաստատություններում մագիստրոսի բարձր առաջադիմություն ունեցող շրջանակարտների թիվը, ինչպես նաև մասնագիտությունների թիվը, որոնցով բուհերն ու գիտահետազոտական ինստիտուտներն իրականացնում են ասպիրանտական կրթական ծրագիր,
- նախորդ տարիներին հատկացված տեղերի և փաստացի ընդունելության արդյունքների վերլուծությունը (թափուր տեղեր, համալրված տեղեր),

մրցույթի արդյունքում թափուր տեղերի առաջացման պատճառները:

Որոշմամբ սահմանվել է նաև, որ ասպիրանտուրայի առկա և հեռակա ուսուցման թափուր մնացած տեղերը, հաշվի առնելով բուհերի, Գիտությունների ազգային ակադեմիայի և գիտական կազմակերպությունների ներկայացրած լրացուցիչ հայտերը, վերաբաշխում է ԿԳՄՍ նախարարությունը՝ մասնագիտական քննությունից գերազանց՝ 18-20 միավոր և մրցույթի արդյունքում հավասար միավորներ ստացած դիմորդներին կամ մասնագիտական քննությունից գերազանց՝ 18 -20 (քսան) միավոր ստացած դիմորդներին՝ ըստ առավելագույն գնահատականի:

ՔԱՂԱՔԱՑԻՈՒԹՅՈՒՆ

ՊԱՐՏԱԳԻՐ Է ՏԵՂԵԿԱՑՆԵԼԸ

Ռուսաստանից, ՆԳՆ-ի սվյալներով, ամենից հաճախ սացել են Իսրայելի, Ուկրաինայի, Հայաստանի, Թուրքիայի, Գերմանիայի և մի քանի այլ ոլորտներում և ՏՄՄ-ը:

«Առավելապես ՌԴ քաղաքացիները տեղեկացրել են Իսրայելում, Ուկրաինայում, Հայաստանում, Թուրքիայում, Գերմանիայում, Կրասնոսնովսկում, ԱՄՆ-ում, Մոլդովայում, Իսպանիայում, Իտալիայում, Ֆրանսիայում քաղաքացիություն կամ կացության իրավունք հաստատող

այլ փաստաթղթի առկայության մասին»,- հայտնել է գործակալության գրուցակիցը:

Շնորհանուր առմամբ, ՆԳՆ տվյալներով՝ անցյալ տարի ստացվել է ավելի քան 50 հազար ծանուցում ռուսաստանցիների մոտ այլ քաղաքացիության կամ օտարերկրյա պետությունում կացության կարգավիճակի առկայության մասին (այլ քաղաքացիության առկայության մասին՝ 31 հազար ծանուցում, օտարերկրյա պետությունում մշտական բնակության իրավունքի փաստաթղթի առկայության մասին՝ 19 հազար ծանուցում): 2022 թվականին այլ փաստաթղթերի առկայության մասին ծանուցումների ընդհանուր ցուցանիշը եւ թի-

վը կրճատվել են համապատասխանաբար 3 հազարով և 4 հազարով, մինչդեռ քաղաքացիության առկայության մասին ծանուցումների թիվն աճել է հազարով:

Ռուսաստանի քաղաքացին, որը ստացել է օտարերկրյա պետության անձնագիր կամ կացության թույլտվություն, պետք է պարտադիր տեղեկացնի Ռուսաստանի ներքին գործերի նախարարությանը: Այդ պահանջն անտեսելու դեպքում նա կարող է պատասխանատվության ենթարկվել վարչական իրավախախտումների վերաբերյալ օրենսգրքի 19.8.3-րդ հոդվածով եւ վճարել տուգանք 500-1000 ռուբլու չափով:

«ժողովուրդ» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

«ՏԱՂ. ՀՈԳՈՒ ԾԱՆԱԿԱՐԻՑ»

# ՆՈՐ ՖԻԼՄՆԵՐԻ ՆԱՐԵԿԱՑՈՒ ՏԱՂԵՐԻ ՀԻՄՆՆ ՎՐԱ

«Վերածնունդ» հիմնադրամը, Սուրբ Գրիգոր Նարեկացու սաղերի հիման վրա, նկարահանել է հոգեւոր, երաժշտական «Տաղ. հոգու ճանապարհ» ֆիլմը: Ֆիլմի գաղափարն Արսակ Ալեքսանյանինն է, գործադիր պրոդյուսերը «Վերածնունդ» հիմնադրամի նախագահ Արթուր Չանիրեկյանն է:

Ֆիլմի ռեժիսորը Վահե Յանն է, սցենարի համահեղինակն ու մենակատարը՝ Վահե Բեգոյանը: «Տաղ. հոգու ճանապարհ» ֆիլմը հիմնված է 7 տաղերի վրա, որոնք ներկայացնում է մենակատար Վահե Բեգոյանը գրաբարով: Ռեժիսոր Վահե Յանի խոսքով՝ նա հերթականությունն ընտրվել է՝ ըստ Նարեկացու՝ տիրոջ երկրային կյանքի կարեւոր իրադարձությունների պատումների: Բացի Նարեկացու 5 տաղերից, ֆիլմում ներառված է եւս 2 միջնադարյան տաղ՝ «Տիրամայրը հանդեպ հաշի» եւ «Մարիամ Մագաղենացի», որոնց հեղինակներն անհայտ են: Դրանք գրի է առել Կոմիտաս վարդապետը:

Մենակատարից բացի, ֆիլմում Նարեկացու յոթ տաղերը կարդում են յոթ հայտնի դերասաններ: Ֆիլմում նկարահանվել են Նազելի Յուսիպյանը, Խորեն Լեւոնյանը, Մարջան Ավետիսյանը, Տիգրան Ներսիսյանը, Նելլի Խերանյանը, Շանթ Յուսիպյանը, Ռոզի Ավետիսյանը եւ Սամվել Թովմայանը: Ֆիլմի ռեժիսորն ասում է, որ դերասանները կերպարներ չեն մարմնավորել, ընտրվել են ըստ տաղերի: «Գիտենք, որ Նարեկացին Նաե միստիկ պոետ է, որով սկսվել է վերածնունդը հայ արվեստում ու հենց այս տաղերով, օրինակ՝ «Աչքն ծովի ծով»-ով: Դրանք ներկայացնելու համար պետք էին իսկապես խոսքի վարպետներ՝ մեծ փորձառությամբ, տաղանդով, հմտություններով: Դերասանների ընտրությունը պայմանավորված էր առաջին հերթին տաղերն ըստ արժանավորյուն ներկայացնելու, ընթերցելու նպատակով»:

Ապրիլի 4-ին «Մոսկվա» կինոթատրոնում կայացել է ֆիլմի փակ դիտումը, իսկ ապրիլի 5-ին, 6-ին, եւ 7-ին մուտքն ազատ



էր: Բոլոր օրերին դահլիճը եղել է լեփ-լեցուն:

Վահե Յանը ցանկացել է ֆիլմը եւս մեկ անգամ դիտել, բայց դահլիճ մտնել այդպես էլ չի կարողացել: «Մարդիկ այնքան շատ էին: Են լույսը, որ մենք մարդկանց ուզում էինք հասցնել ֆիլմով, ստացվել է: Ես հուզվեցի, երբ տեսա այդքան մարդկանց. փաստորեն, այդ լույսի պահանջն ու կարիքը կար: Դու անում ես մի բան, որի պահանջը կա. դրանից ավելի գերագույն զգացողություն չկա»:

Հանդիսատեսը, մեկ անգամ նայելով, չի բավարարվել: Շատերը ֆիլմի ցուցադրության երեք օրերին այդպես էլ չեն կարողացել մտնել դահլիճ: «Ինձ ֆիլմը շատ դուր եկավ: Շատ լավ նախաձեռնություն էր: Երեք օր էր ցուցադրվելու, ու ես ամեն ինչ մի կողմ դրեցի, որ գամ ու նայեմ: Ես շունչս պահած նայում էի ուղղակի»:

«Տպագրություններս անկարագրելի էին, շատ գեղեցիկ էր ներկայացված թե՛ մեր մշակույթը, թե՛ մեր եկեղեցին, թե՛ գրաբարի ու աշխարհաբարի համադրությունը: Գաղափարը մեծ էր, այն հիասքանչ էր, որ եկող սերունդը կարողանա հասկանալ Նարեկացի: Ֆիլմում Նարեկացու յոթ տաղերը կարդում են յոթ հայտնի դերասաններ, որոնք իրենց խաղով

հանդիսատեսին են հասցնում տաղերի բովանդակությունը»:

«Հոգեւոր բավարարվածություն էր, իհարկե, քանի որ հնարավորություն ես ունենում կարգային առումով լիացնել աչքը, ծանոթանալ մեր հոգեւոր երաժշտությանը, իսկ անցումները շատ հետաքրքիր էին, դերասանները՝ պրոֆեսիոնալ: Սա արժեքավոր գործ էր»:

«Դերասանական կազմը հոյակապ էր, լավ թիմ էր ընտրված, զգացվում էր, որ դերասանների ընտրությունը պատահական չէր: «Տաղ. հոգու ճանապարհ» ֆիլմում Նարեկացու գործերը հնչում են աշխարհաբարով: Իսկ ֆիլմի գեղեցիկ կարերը Նարեկացու խոսքերը տեղ են հասցնում այսօրվա մարդու դիրքերից»:

«Շատ ողջունելի է նման ֆիլմ նկարահանելը, քանի որ մենք մեր Նարեկացուն ճանաչում ենք «Մատյան ողբերգության» միջոցով տաղերն ավելի քիչ են հայտնի: Ֆիլմը լավ հնարավորություն էր ճանաչելու տաղերը»:

«Տաղ. հոգու ճանապարհ» ֆիլմի նկարահանումները տեւել են կես տարի՝ յոթ խորհրդանշական վանքերում: Ապրիլի 9-ին՝ ժամը 19:30-ին՝ Հարության տոնին, ֆիլմը կցուցադրվի Նաե «Արմենիա» հեռուստաընկերության եթերում:

ԼՈՒՐԵՐ

## ԲԵՆՁԵՄԱՆ ԱՌԱՋԱՐԿ Է ՄՏԱՑԵԼ

Մարդիկ «Ռեալի» հարձակվող Քարիմ Բենզեման Սաուդյան Արաբիայում իր ֆուտբոլային ակադեմիան հիմնելու առաջարկ է ստացել. հաղորդում է Marca-ն: 35-ամյա ֆրանսիացի ֆուտբոլիստը Սաուդյան Արաբիայի ակումբներից մեկում հանդես գալու առաջարկ ունի: Պայմաններից մեկն էլ ֆուտբոլային ակադեմիա բացելն է:

Բենզեման ցանկանում է եւս մեկ մրցաշրջան անցկացնել Արքայական ակումբում: 2024-ի ամռանը նա պատրաստ է տեղափոխվել Սաուդյան Արաբիա, որը մտադիր է ընդունել 2030թ. աշխարհի առաջնությունը: Այդ նպատակին հասնելու ռազմավարության գլխավոր բաղադրիչն է առաջիկա տարիներին համաշխարհային աստղերի ներգրավվումը Սաուդյան Արաբիայի լիգայում:

Բենզեման «Ռեալում» է հանդես գալիս 2009 թվականից: Այս մրցաշրջանում նա խալալացի Կառլո Անջելոտիի գլխավորած թիմի հետ մասնակցել է 18 հանդիպման, խփել է 14 գոլ, կատարել է 3 գոլային փոխանցում:

## ԱՂՅՈՒՄԱԿՈՒՄ 97-ՐԴՆ Է

Ֆուտբոլի միջազգային ֆեդերացիան՝ ՖԻՖԱ-ն, ներկայացրել է ազգային հավաքականների դասակարգման նոր աղյուսակը:

Հայաստանի ֆուտբոլի ընտրանին վարկանիշային նոր աղյուսակում 97-րդն է: Ընտրանին, նախորդ աղյուսակի համեմատ, նահաջել է երկու հորիզոնականով:

Լավագույն տասնյակում են Արգենտինան, Ֆրանսիան, Բրազիլիան, Բելգիան, Անգլիան, Նիդերլանդները, Խորվաթիան, Իտալիան, Պորտուգալիան, Իսպանիան:

## ՀԱՅԿԱԿԱՆ ԱՆՁՆԱԳԻՐ Է ՄՏԱՑԵԼ

Սլովակիան ներկայացնող «Դուբնիցա» ակումբի 20-ամյա ֆուտբոլիստ Էդուարդ Բագրինցեյը հայտնել է, որ հայկական անձնագիր է ստանալու ու պատրաստ շուտով կլինի Նորամուտը Նշել Հայաստանի ազգային հավաքականում:

«Նոյեմբերին ես փաստաթղթեր էի հանձնել անձնագիր ստանալու համար: Ինձ զանգահարեցին Հայաստանի ֆուտբոլի ֆեդերացիայից եւ հայտնեցին, որ իմ անձնագիրը պատրաստ է: Շուտով ես հայկական անձնագիր կստանամ եւ պատրաստ կլինեմ նորամուտ Նշել Հայաստանի ազգային հավաքականում: Ես շատ ուրախ եմ, անհամբերությամբ սպասում եմ այդ պահին»,- ասել է Բագրինցեյը:

Էդուարդ Բագրինցեյը Ռուսական ԲԿՄ ակումբի սան է, հանդես է եկել Ռուսաստանի երիտասարդական հավաքականի կազմում, Ռուսաստանի տարբեր տարիքային հավաքականների կազմում մասնակցել է Եվրոպայի առաջնության որակավորման խաղերի:

ԶԱՏԻԿ

# ՎԵՐԱԳԻԱՐՁ ԱՌԱՍՏՎԱԾ

Հայ առաքելական եկեղեցին երեկ տոնեց Հիսուս Քրիստոսի հրաշագործության տոնը: Հիսուս Քրիստոսի հրաշագործության տոնը կոչվում է նաեւ Չափիկ, որը նշանակում է զատում, բաժանում, հեռացում մեղքերից եւ վերադարձ առ Աստված:

Չատիկի տոնին հավատացյալները ծու են ներկում: Ներկված ծուն համարվում է Հարության եւ նոր կյանքի խորհրդանշան: Կարմիր գույնը խորհրդանշում է խաչյալ Հիսուսի կենդանաբար արյունը, որ թափվեց մարդկության փրկության համար: Ըստ Ս. Գրիգոր Տաթևացու՝ «Միայն Չատիկին ենք ծու ներկում, որովհետեւ ծուն օրինակ է աշխարհի»: Իմաստուններն ասում են. «Դրսի կեղեղը նման է երկնքին, թաղանթը՝ օդին, սպիտակուցը՝ ջրին, դեղնուցն էլ երկիրն է: Իսկ կարմիր գույնը խորհրդանշում է Քրիստոսի արյունը: Եվ մենք, կարմիր ծուն մեր ձեռքերի մեջ առնելով, հռչակում ենք մեր փրկությունը»:

ԼԻՂՎ ԵՐԻԿԱՋՈՒՅԱՆ



● Ապրիլի 12-ին «Գոյ» թատրոնում տեղի կունենա «Կուզե՛ս՝ քեզ ասող նվիրեմ» թատերական ներկայացումը: Տոմսերի արժեքը՝ 2000-3000 դրամ: Սկիզբը՝ ժամը 19:00-ին:



Էջը՝ ՌՈՋԱ ՊՈՂՈՍՅԱՆԻ

**ՏԵՂԵԿԱՏՎՈՒԹՅՈՒՆ**

**ՀԱՐՑ. Ի՞նչ է անհրաժեշտ իմանալ Հայաստան մուսֆ գործելիս:**

*Հայրիկ Ղուկասյան (69 տարեկան)*



**ՊԱՏԱՍԽԱՆ.** ԵԱՏՍ մաքսային տարածք օդային տրանսպորտով առանց մաքսատուրքերի, հարկերի վճարման թույլատրվում է ներմուծել անձնական օգտագործման հետեւյալ ապրանքները (մեկ ֆիզիկական անձի հաշվարկով).

- ուղեկցվող եւ չուղեկցվող ուղեբեռում տեղափոխվող ապրանքներ (բացառությամբ էթիլ սպիրտի, ալկոհոլային խմիչքների, գարեջրի), որոնց արժեքը չի գերազանցում 10.000 եվրոյին համարժեք գումարը, իսկ քաշը՝ 50 կգ-ը՝ ներառյալ ծխախոտ եւ ծխախոտային արտադրանք հետեւյալ չափաքանակներով՝
  - 200 սիգարետ
  - կամ 50 սիգար (սիգարիլլա),
  - կամ 250 գրամ ծխախոտ,
  - կամ նշված արտադրատեսակների տեսականին ոչ ավելի, քան 250 գրամ ընդհանուր քաշով
- «Զվարթնոց» օդանավակայան**

**«ԺՈՂՈՎՈՒՐԳ».** Անհրաժեշտ է հիշել՝ 3 լիտրից ավելի, բայց 5 լիտրից ոչ ավելի քանակությամբ ալկոհոլային խմիչքներ եւ գարեջուր ներմուծելիս 3 լիտր քանակական նորմի գերազանցման մասով ենթակա են վճարման 1 լիտրի դիմաց՝ 10 եվրո միասնական դրույքաչափով գանձվող մաքսատուրքեր, հարկեր:

**ՍՈՑԻԱԼԱԿԱՆ**

**ՀԱՐՑ, Ե՞րբ է թույլատրվում փոփոխել աշխատանքի էական դայմանները:**

*Մարինե Մարգարյան (36 տարեկան)*



**ՊԱՏԱՍԽԱՆ.** Աշխատանքի վայրի, աշխատանքի վարձատրության չափի եւ (կամ) այն որոշելու ձեւի, արտոնությունների, աշխատաժամանակի (աշխատանքի եւ հանգստի) ռեժիմի, տարակարգերի եւ պաշտոնների անվանումների, աշխատանքային պայմանագրի տեսակի եւ (կամ) գործատուի փոփոխման դեպքում թույլատրվում է փոփոխել աշխատանքի էական պայմանները: Փոփոխելու դեպքում գործատուն պետք է գրավոր ծանուցի մինչեւ 1 տարի աշխատողին ոչ ուշ, քան 14 օր առաջ, 1-5 տարի աշխատողին՝ 35 օր առաջ, 5-10 տարի աշխատողին՝ 42 օր առաջ, 10-15 տարի աշխատողին՝ 60 օր առաջ:

**ՀՀ աշխատանքի եւ սոցիալական հարցերի նախարարություն**

**«ԺՈՂՈՎՈՒՐԳ».** Աշխատանքային պայմանագիրը կողմերի համաձայնությամբ լուծելիս մի կողմը գրավոր առաջարկում է մյուս կողմին լուծելու պայմանագիրը: Համաձայնության դեպքում մյուս կողմը 7 օրվա ընթացքում պետք է ծանուցի առաջարկ ներկայացրած կողմին, որից հետո կնքվում է գրավոր համաձայնագիր:

**ԼՈՒՐ ԿԱԴՐ**

*Լուսանկարն արվել է Երեւանում*



Կիւլեյան փողոցում տեղի է ունեցել ճՏՊ. առկա է եղել վառելիքի արտահոսք:  
Պարզվել է, որ բախվել են Mercedes-Benz (վարորդ՝ Ա. Շ.՝ ծնված 1966 թ., ուղեւոր՝ Ն. Ֆ.՝ ծնված 1973 թ.), Nissan Tiida (վարորդ՝ Հ. Ղ.՝ ծնված 1972 թ.), VAZ-2121 (վարորդ՝ Վ. Խ.՝ ծնված 1983 թ.) եւ Nissan Tiida (վարորդ՝ Թ. Ս.՝ ծնված 1989 թ.) մակնիշների ավտոմեքենաները. կան տուժածներ, սակայն նրանց կյանքին վտանգ չի սպառնում:

**ԲԱԺԱՆՈՐԴԱԳՐՈՒԹՅՈՒՆ**

Մեր թերթը  
Բաժանորդագրվելու  
համար կարող եք դիմել



«Հայմամուլ» ՓԲԸ  
հեռ. 45-82-00, 45-19-11

«Հայփոստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

**ԱՌԱՋԱՐԿ**  
**հայկական տպագիր մամուլից**

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

**ԵՂԱՆԱԿԻ ՏԵՍՈՒԹՅՈՒՆ**



Շիրակ	+3 + 6 +11 + 15	Արարատ	+8 + 11 +20 + 23
Կոտայքի լեռներ	+2 + 5 +11 + 14	Արմավիր	+7 + 9 +20 + 22
Կոտայքի նախալեռներ	+7 + 9 +15 + 17	Վայոց ձորի լեռներ	+3 + 5 +12 + 15
Գեղարքունիք	+2 + 5 +12 + 15	Վայոց ձորի նախալեռներ	+8 + 10 +20 + 23
Լոռի	+2 + 6 +11 + 14	Սյունիքի հովիտներ	+8 + 11 +24 + 28
Տավուշ	+5 + 9 +12 + 16	Սյունիքի նախալեռներ	+6 + 9 +17 + 20
Արագածոտնի լեռներ	+1 + 4 +10 + 13	Արցախ	+8 + 11 +22 + 25
Արագածոտնի նախալեռներ	+6 + 9 +15 + 19	Երեւան	+8 + 10 +18 + 20

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22<sup>ա</sup>/3, հեռ՝ 010 54-64-23  
Պետական գրանցման վկայականի համարը՝ 03Ա089086  
տրված է 24.11.2010  
Ստորագրված է տպագրության 10.04.2023

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում  
խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: